

**Տ Ե Ղ Ե Կ Ա Տ Վ ՈՒ Թ Յ ՈՒ Ն**

**Հայաստանի Հանրապետության կառավարության 2023 թվականի մարտի 23-ի N 356-Լ որոշմամբ  
հաստատված N 2 հավելվածով սահմանված միջոցառումների կատարման ընթացքի վերաբերյալ  
2023 թվական**

<b>Միջոցառում</b>	<b>Կատարման ընթացիկ վիճակը</b>
<p><b>Միջոցառում 1.1.</b> Սանիտարիայի և բուսասանիտարիայի աշխատանքային նոր խմբի ձևավորում</p>	<p>«Աշխատանքային նոր խումբ ստեղծելու և դրա անհատական կազմը հաստատելու և Հայաստանի Հանրապետության վարչապետի 2011 թվականի հուլիսի 26-ի N 711-Ա որոշումն ուժը կորցրած ճանաչելու մասին» ՀՀ վարչապետի 2023 թվականի մայիսի 12-ի N 519-Ա որոշում:</p>
<p><b>Միջոցառում 1.2.</b> Մենդամթերքի անվտանգության ոլորտի գործող ինստիտուցիոնալ կառույցների գործունեության բարելավում, նոր կարողությունների զարգացում՝ ԵԱՏՄ և միջազգային չափանիշներին համապատասխան, որի արդյունքում կհստակեցվեն պետական կառավարման համակարգի մարմինների, ինչպես նաև պետական ոչ առևտրային և այլ կազմակերպությունների գործառույթները:</p>	<p>Միջոցառման շրջանակներում Տեսչական մարմինների աշխատանքների համակարգման գրասենյակի կողմից մշակվել և շրջանառության փուլում են գտնվում «Մենդամթերքի անվտանգության պետական վերահսկողության մասին» օրենքում փոփոխություններ և լրացումներ կատարելու մասին», «Մենդամթերքի անվտանգության մասին» օրենքում փոփոխություններ և լրացում կատարելու մասին», «Կերի մասին» օրենքում փոփոխություններ և լրացումներ կատարելու մասին», «Բուսասանիտարիայի մասին» օրենքում փոփոխություններ և լրացումներ կատարելու մասին», «Անասնաբուժության մասին» օրենքում փոփոխություններ և լրացում կատարելու մասին», «Պետական տուրքի մասին» օրենքում լրացում կատարելու մասին» օրենքների նախագծերը:</p>

<p><b>Միջոցառում 1.3.</b>          Սննդամթերքի անվտանգության ոլորտում արագ արձագանքման համակարգի ներդրում</p>	<p>«Սննդամթերքի անվտանգության ոլորտում արագ արձագանքման համակարգի ներդրման կարգը» ՀՀ կառավարության որոշման նախագիծը (այսուհետ՝ Որոշման նախագիծ) սահմանված կարգով ներկայացվել է Վարչապետի աշխատակազմ, սակայն վերջինիս իրավական հիմքի բացակայությամբ պայմանավորված՝ մշակվել, շրջանառվել և ներկայումս լրամշակման փուլում է գտնվում «Սննդամթերքի անվտանգության մասին» օրենքում լրացումներ կատարելու մասին» օրենքի նախագիծը, որով նախատեսվում է սահմանել համապատասխան լիազորող նորմ, հետևաբար Որոշման նախագծի վերջնական տարբերակը կներկայացվի Օրենքի նախագծի ընդունումից հետո:</p>
<p><b>Միջոցառում 2.1.</b>          Ազգային օրենսդրությունը ԵԱՏՄ և միջազգային չափանիշներին համապատասխանեցնելու նպատակով Հայաստանի Հանրապետությունում գործող օրենսդրության վերանայում, իրավակսան ակտերում սահմանված կարգով փոփոխությունների և լրացումների կատարում, ինչպես նաև մի շարք նոր օրենքների և ենթաօրենսդրական ակտերի ընդունում</p>	<p>Միջոցառման շրջանակներում ուսումնասիրվել է սննդամթերքի անվտանգությանը վերաբերող օրենսդրությունը, վեր են հանվել մի շարք բացեր և այն կատարելագործելու նպատակով մշակվել է մոտ երկու տասնյակ իրավական ակտեր:</p>
<p><b>Միջոցառում 3.1.</b>          Լաբորատորիաների ցանցի ստեղծման մեխանիզմների մշակում և անհրաժեշտ մարդկային ու տեխնիկական ռեսուրսների հստակ հատկորոշում՝ 1. Ներկա իրավիճակի, այդ թվում՝ մարդկային ու տեխնիկական ռեսուրսների գնահատում, 2. Բացերի գնահատում, կարիքների վերլուծություն, 3. Կարողությունների</p>	<p>Մշակվել է «Լաբորատորիաների ցանցի ստեղծման մեխանիզմների մշակման ծրագիրը հաստատելու մասին» ՀՀ կառավարության որոշման նախագիծը, որը շահագրգիռ մարմիններ շրջանառելուց հետո լրամշակվել է և առաջիկայում կներկայացվի Վարչապետի աշխատակազմ:</p>

<p>հզորացմանն ուղղված առաջարկությունների մշակում և ներկայացում:</p>	
<p><b>Միջոցառում 3.2.</b> Սննդամթերքի անվտանգության ոլորտում ազգային ռեֆերենս լաբորատորիայի նշանակում</p>	<p>Մշակվել է «Հայաստանի Հանրապետության կառավարության 2022 թվականի սեպտեմբերի 16-ի N 1448-Ն որոշման մեջ փոփոխություններ և լրացումներ կատարելու մասին» ՀՀ կառավարության որոշման նախագիծը, որը սահմանված կարգով ներկայացվել է Վարչապետի աշխատակազմ:</p>
<p><b>Միջոցառում 4.1.</b> Սննդամթերքի անվտանգության, անասնաբուժության և բուսասանիտարիայի ոլորտների ռիսկերի գնահատման գիտական կենտրոնների նշանակում</p>	<p>«Սննդամթերքի անվտանգության պետական վերահսկողության մասին» օրենքում փոփոխություններ և լրացումներ կատարելու մասին» օրենքի նախագծի 3-րդ հոդվածով սահմանվել է դրույթ, որով ՀՀ կառավարությանը վերապահվում է ռիսկի գնահատման գիտական կենտրոնի լիազորման, լիազորությունների կասեցման և դադարեցման կարգի սահմանումը: Նախագծի ընդունման դեպքում կամրագրվի ռիսկի գնահատման գիտական կենտրոնի լիազորման, լիազորման կասեցման կամ դադարեցման կարգի սահմանման իրավական հիմքը: Մշակվել է «Սննդամթերքի անվտանգության, անասնաբուժության և բուսասանիտարիայի ոլորտներում ռիսկի գնահատումն իրականացնող գիտական կազմակերպության (կենտրոնի) լիազորման կարգը» սահմանելու մասին ՀՀ կառավարության որոշման նախագիծը, որը ներկայումս գտնվում է շրջանառման փուլում:</p>
<p><b>Միջոցառում 5.1.</b> ՎՎՀԿԿ սկզբունքների հիման վրա համակարգի ներդրման թույլտվության կամ մերժման ընթացակարգի ընդունում:</p>	<p>Մշակվել է «Վտանգի վերլուծության և հսկման կրիտիկական կետերի սկզբունքների հիման վրա համակարգի ներդրման թույլտվության կամ մերժման ընթացակարգը հաստատելու մասին» Հայաստանի Հանրապետության կառավարության որոշման նախագիծը, որտեղ սահմանվել են վտանգի վերլուծության և հսկման կրիտիկական կետերի սկզբունքների վրա հիմնված ընթացակարգերի և հաստատված պլանի հիման վրա Սննդամթերքի անվտանգության տեսչական մարմնի կողմից եզրակացության տրման հետ կապված հարաբերությունները: Նախագիծը ներկայացվել է կարծիքի շահագրգիռ մարմիններ (ելից <b>01/19084-2023 9.11.2023թ.</b>): Կարծիքները ստանալուց հետո լրամշակվել է ՀՀ արդարադատության ներկայացման նպատակով (ելից <b>01/23604-2023 7.12. 2023թ.</b>): Սակայն կարծիքների ամփոփումից, ինչպես նաև հավելյալ քննարկումներից հետո մշակվել է «Սննդամթերքի անվտանգության մասին» օրենքում փոփոխություն և լրացումներ կատարելու մասին» օրենքի նախագիծը, որտեղ սահմանվել են համապատասխան պահանջները:</p>
<p><b>Միջոցառում 6.1</b> Սննդամթերքի անվտանգության ոլորտի մասնագետների կրթության և վերապատրաստման դասընթացների շարունակական բարելավում</p>	<p>Մասնագետների վերապատրաստման կարիքները բացահայտելու նպատակով` ՀՀ էկոնոմիկայի նախարարությունը 2023 թվականի հոկտեմբերի 17-ի 02/20144-2023 գրությամբ դիմել է շահագրգիռ մարմիններին` վերապատրաստման շրջանակներում դասընթացի թեմաներն ընտրելու վերաբերյալ: Վերը նշված կետի կատարումն ապահովելու նպատակով ՀՀ էկոնոմիկայի նախարարությունը Սննդամթերքի անվտանգության տեսչական մարմնի հետ համատեղ համահործակցել է Հայաստանի գործատուների հանրապետական միության հետ և վերջինիս կողմից իրականացվել են մի շարք վերապատրաստման</p>

	<p>դասընթացներ՝ վտանգի վերջուծության և հսկման կրիտիկական կետերի սկզբունքների վրա հիմնված ընթացակարգերի վերաբերյալ:</p>
<p><b>Միջոցառում 6.2</b>      Սննդամթերքի անվտանգության ոլորտի առկա իրավիճակի գնահատման և ոլորտի բարելավմանն ուղղված գիտական և գիտատեխնիկական գործունեության պայմանագրային (թեմատիկ) և պետական նպատակային մրցութային ծրագրերի իրականացման համար առաջարկությունների ներկայացում</p>	<p>«Սննդամթերքի անվտանգության ոլորտի առկա իրավիճակի գնահատման և ոլորտի բարելավմանն ուղղված գիտական և գիտատեխնիկական գործունեության պայմանագրային (թեմատիկ) և պետական նպատակային մրցութային ծրագրերի իրականացման համար առաջարկությունների ներկայացում» միջոցառման վերաբերյալ քննարկվել և ՀՀ կրթության, գիտության, մշակույթի և սպորտի նախարարություն է ներկայացվել «Հայաստանի Հանրապետությունում թունաքիմիկատների (հատկապես՝ կենսաբանական պայքարի միջոցներ) ստացում և երկրի համար վերջինիս տնտեսական արդյունավետության ուսումնասիրում» թեմայով առաջարկ՝ հաշվի առնելով վերջին տարիներին Հայաստանի Հանրապետության տարածքում վնասատուների և հիվանդությունների բռնկումներով պայմանավորված թունաքիմիկատների մեծ պաշարների կիրառման անհրաժեշտությունը, ինչպես նաև ամբողջ աշխարհում օրգանական գյուղատնտեսությանն անցնելու միտումները:</p>